

四庫全書

集部

欽定四庫全書

集部
草堂雅集卷四

詳校官中書臣丁榮祚

助教臣常循覆勘

總校官中書臣朱鈐

校對官中書臣范鏊

謄錄監生臣周相

欽定四庫全書

草堂雅集卷四

元 顧瑛 編

張翥

字仲舉晉寧人由國子助教起家仕至翰林待制
送王繼學憲使之官浙東

滄海遙東杳木津太微光動發華新吏來遠驛迎官舸
使出南臺捧帝綸酒浸別筵秋滿樹弩驅前馬路無塵

玉堂學士如公幾咫尺朝廷屬舊臣

早秉鈞衡翊聖朝遠移繡節下雲霄君王當宁思賢佐
父老連城望使輶船歷魚龍江水伏旌軒鳥隼海氛消
應憐寂寞垂綸者白首滄浪不見招

石頭城次薩天錫韻

坡陀石路帶城遙古寺殘碑蘚半凋一自降王歸上國
空餘故老說前朝壞陵鬼剽傳金盃畫壁仙妝剝鳳翹
更欲留連盡奇觀夕陽江上又生潮

臺城

運盡黃旗晉祚開
天星俄復坼三台
方驚掘地雙鷺起
即見浮江五馬來
草暗離宮碑卧土
雨殘戰地骨生苔
當時一掬新亭淚
誰信清談自有才

辱井石闌

好事能收斷石存
摩挲堪惜古雲根
樓空野寺鐘何在
宮浸寒蕪井已昏
古篆半餘闌上字
妖姬猶有夢中魂
試捫窪處紅猶濕
不是胭脂是血痕

鹿苑寺周處讀書臺陪觀志能薩天錫飲

千古南朝幾劫灰
蕭梁寺額獨崔嵬
化蛇妬婦餘空井
刺虎將軍有廢臺
江口山紅寒照沒
石頭樹白暝烟來
滿衣落葉西風急
更使憑高送一杯

贈元谷胡生

生住黃山第幾谷
結茅石上獨探玄
豹藏曉霧文章潤
鶴起秋空羽翮鮮
朝市誰歌大招隱
星辰自斷小行年
秣陵城裏一相別
明日將詩還卜錢

寄志能天錫二臺郎

玉臺新唱錦囊文長憶風流二使君
齊國徒知賓孟子漢廷還許吏朱雲
斗牛夜氣浮空見江海秋聲隔樹聞
幾擬雙魚通遠信石城潮上月紛紛

送陳敬甫太祝

肅穆齋宮進冊時舍人舊已習朝儀
五雲光動君王署萬歲聲傳祝嘏辭
春岳泥金隨部帳夜壇燿火望華旗
布衣亦有銑歌曲安得因君到帝帷

題嚴次平畫寒林雪霽圖

峯前峯後雪新晴茅屋林深凍葉平
依人應有麋鹿到隔屋迥無烟火生
溪舫礙冰魚未得野橋見路客初行
鄉來一段荒寒意曾在江南眼為明

王侍御所藏商尊商鼎商爵

焜煌綖几見商尊得自西周之古墳
不著瑤舟麗雞鳥獨留畫象煥山雲
器來鎬鼎非遷洛字紀商年政事殷
我欲興懷一盛酒醉摩遺刻弔姬文

古於玉敦與琱戈世質如無款識何鑄想禹金還邦郿
列曾湯廟薦猗那龍文舊象光如拭豕腹遺烟墨不磨
珍重傳巖人去後鹽梅今復待誰和

此爵何年出商邑定知神物護飄零苔侵寶骨斑渾漫
土蝕蒼銅色絕腥朱字僅分科斗勢赤雲猶飾鳳凰形
與公侑坐儕三雅合與尊前醉不醒

見雁

雁行新自雁門來遠度平沙陣勢開光祿塞空霜氣冽

受降城廢水聲哀烏孫公主歌難和猿臂將軍射未回
今日客中腸易斷不須更上最高臺

送柯敬仲之京師

給事先皇禁邸中歸來空抱小臣弓魚龍夜落黃河水
鴻雁秋征白霄風郢國善歌推宋玉漢廷能賦待揚雄
如君必用才猷進重見金閨盡籍通

說劍論文每會心相知惟我最情深同行已愧非連璧
一諾還期重百金雨後沙堤車似水日邊天闕羽如林

笑談即此成千里回首飛雲繞故岑

送唐子華赴江陰教授

廣文三絕畫尤工合置江山勝槩中故塚尚遺黃歇邑
諸生常薦素王宮市饒稻蟹秋田熟潮動帆檣夜開空
別後想君書到日荇花吹過鯉魚風

徐子英畫燕雛寓意屬予題之

曾立庭陰看燕雛羽毛長就色如濡恩深卵翼渾忘報
愁絕雌雄漫自呼楊柳影空遺殼在蒺藜魂斷舊巢孤

金史四庫全書
憑君莫為忘情嘆，盡取林間返哺鳥。

吳江王氏水雲深處

湖平天濶開詩境，宜著幽亭俯碧潄。
閒許釣徒分半席，淨饒沙鳥占全林。
青連河漢秋無極，黑入荻蒲晚易陰。
更好扁舟明月夜，醉攜長笛寫龍吟。

鳳山

衰草寒煙老木風，南朝佳氣落秋空。
壁來山鬼遮秦使，盤泣銅仙別漢宮。
壞堦尚傳祠乙鳥，荒池曾見射飛鴻。

騷人自古多才思長在登臨感慨中

西湖水合父老傳六十年不見矣

西湖雪後凍徹底行人逕度如平川
風吹鹽池結陰渖
日晚玉田生暖烟
魚龍穴底寒更縮
鷗鷺沙頭饑可憐
安得長冰過滄海
我欲三島求神仙

有懷建康三友祝蕃遠時正郡學

聖皇端拱致時平
妙選羣才屬汗青
一代彌文懸日月
萬方同軌走雷霆
敢希太史紬金匱
更待中郎寫石經

出處與君俱有道不煩猿鶴謝山靈

水塘為金齊賢賦

老蟾素魄稟金精千歲玻瓈幻結成
明月夜零陰燧凍丹書秋滿肉芝生
腹凝寒露藏虛白影入銀河浴太清
擬問嫦娥乞靈藥與君騎向廣寒行

分題初陽臺送西湖楊貫道

方士來居最上峰白泥丹竈鍊芙蓉
火符入夜巡金虎日暈浮溟馭赤龍
天逕有雲來羽駕地靈無草沒仙蹤

何當與子凌千仞飛佩朝霞可上從

分題投書渚送沙彥文架閣江南

高人豈作致書郵盡棄封函向石頭故跡不隨烟草沒
遺風長與楚江流悲臺鷹下川雲暮別國龍回嶽雨秋
君過渚涯須艤棹題詩相寄莫沉浮

劉商觀碁圖

鶴髮羅衣四老仙空山流水境蕭然松根柯爛人忘世
石上棋歸洞有天刻本只今追粉墨遺蹤何處沒雲烟

信知甲子須臾事又數龍眠二百年

上元夜雨

門外東風驚落塵夜寒街鼓斷無人江山長抱千年恨
雨雪虛銷一月春紅蠟光深行酒罷玉龍聲急落梅頻
隣翁聞說兒時事何異繁華夢裏身

吳興公修禊扇頭

觴咏羣賢意態俱青林疊嶂細縈紆蘭亭勝會當時重
蠶紙遺書絕代無紈扇秋風生翠袖玉華仙露濕金盃

高人約入天機巧更覺風流映畫圖

送錢思復之常熟州從段吉甫判官招

涼風震澤正芙蓉客次詩才足自供賓主東南知盡美
雲龍上下喜相從雁飛驛路三秋雨楓落江橋半夜鐘
念子遠遊勞夢想親庭回首故山重

寄題薛玄卿瓊林臺

學道空山謝世緣築臺先近蔚藍天掌中露墮朝和藥
鶴背笙來夜望仙漱齒下尋丹井水存神對坐石爐烟

金匱要略卷四
知君自食琅花實小閱人間五十年

題傅高士太古樓

羽客栖玄紫極宮樓居三景自玲瓏游神宛在鴻荒世
探道元居恍惚中隔檻人烟南浦樹過窻帆影上江風
如何燕坐忘機者千劫塵緣一息空

送徐庭玉知事之官兩淮廣教府

公府初開象教崇羨君高選過淮東放龜溪暗帆檣雨
騎鶴城荒鼓角風官次暫須從事幙願香仍結梵王宮

定知詩酒尋僧社共醉春園芍藥紅

壬申元日大雪二日立春晴景豁然春燕有作

白雪青天映日紅樓臺高下玉山重盤蔬曉送冰絲脆
釵符春生蠟蒂融北斗龍杓迴後夜東皇鸞輅駕靈風
何如得接雲霄上一看烟花繞禁宮

松雪齋墨芷花

使節來書大士碑滿岩芳草正花時移將怪石山僧供
寫入幽蘭醉客題香斷海雲人渺渺葉稀秋露墨離離

玉堂名筆今尤絕留取緗囊慰所思

無題

見時畧畧望迢迢有月闌干待袖招得巧蜘蛛絲縷細
傳聲鸚鵡舌闌嬌仙家絃管寧無譜天上星河亦有橋
雲雨或時消息斷不如朝暮石城潮

上清山中

烟景空明石路微千年草木駐光輝山中宮闕金銀氣
天上神仙黼黻衣赤日大溪魚欲化青雲玄圃鶴長飛

只今浩劫頻來往未信滄洲與願違

昭真觀

天壁中開古木寒日華金榜敞玄關神君仗節龍髯下
仙子吹笙鶴背還陰洞夕嵐凝石頂丹池秋水注雲間
欲憑靈藥生毛羽遂向青山結珮環

青山道中

獨騎瘦馬吟歸去路遠荒山暝不分霧中早日白於月
木際寒松多似雲龍蛇大澤蟄未起雞犬前村聲亂聞

來往風塵祇自老金堂石屋有徵君

送彭大年遠游

袖有神方煉紫荷暫封丹檢出烟蘿仙人海上追黃鵠
道士山中認白螺棗木斗盤藏霹靂楊枝瓶水瀉天河
只因小閤開星刳一劍秋空處處過

癸卯歲八月十六夜月

蟋蟀梧桐秋滿庭浮雲散處見踈星仙人修月渾無跡
使客乘槎自有靈一道銀河通碧海三更白露下青冥

西風忽起吹黃鵠夢斷瑤池醉未醒

秋暑喜雨寄柯敬仲

赫赫秋陽無奈何西風忽起夜深多星郎牽犢飲河去
神姥騎龍行雨過啼蜚落葉雨蕭索飛電流雲相蕩摩
睡美不知窓月曙楚人已唱雞鳴歌

時中博士見示大事諸篇奉題

駐蹕原頭奏事時六飛前路擁旌旗雲隨豹尾瞻朱輦
日近龍顏賜玉卮義仲重頒堯典厯叔孫舊掌漢官儀

知君才調宜歌咏第入郊壇雅頌詩

題胡漢卿參政祈雨詩卷

明公誠意與天通帝勅江湖解雨封大地風雷驅旱魃
重淵雲霧起神龍涸泉已發鉶壘溢焦上還滋草木濃
聞道四方猶苦旱更傾河漢救三農

寄陳子平時寓揚州常以所作瓊花詩見示

鳳在陽岡鶴在臯相思空遣夢勞勞簫吹夜月江橋酒
榼泛秋風海市濤故國山川吳分野美人詞賦楚離騷

瑤花新製人爭寫應使揚州紙價高

送宋員外調閩選舉還京師

聖主求賢禮數崇策名高步冠南宮乘槎析木天津上
奏賦甘泉鹵簿中染翰墨凝仙掌露護衣香散御爐風
只今帝業熙千古正待儒臣黼黻功

寄別陳渭叟

空山花開春事幽道人結屋居上頭胡麻隨水有時得
杏子成林誰敢偷金銀氣襍丹光見澗壑響帶松聲流

寄詩黃鶴一相別獨立滄浪歌遠游

拜祖塋

我祖神靈如在上曾孫來此獨踟躕佳城白日三千歲
喬木蒼烟四十株天遠難歸華表鶴客游終作首丘狐
生平不解青囊術自愛溪山正向隅

郡城晚望覽臨武堂故基

全晋山川氣象開滿城烟樹擁樓臺土風舊有堯時俗
人物今無楚國材千嶂晚雲原上合兩河秋色雁邊來

昔賢勝賞空陳迹
落落登臨畫角哀

林椿銀瓜圖

老圃甯瓜白銀色
味好不弱秦
東陵輪囷一蒂卧
朝雨蕭索幾葉抱
秋藤金盤玉井若
為薦蒲鵠黃斑何足稱
嗚呼畫史觀天巧
使我肺渴思浮冰

春日有懷柯敬仲博士

建章鶯囀曙光初
上直開門漏點疎
花擁西清森仗衛
星臨東壁煥圖書
漢庭長者多推轂
楚國騷人久卜居

為問五雲仙閣吏綵毫春咏近何如

夜思

月落未落山四更雞啼不啼霜滿城起看北斗寒挂地
俯聽長江流有聲今夕何夕耿無寐千古萬古難為情
欲持心事出門去哀歌坐待東方明

行窩有雙燕來愛而賦之

我屋非王謝何堪供汝栖落花新過雨芳草未成泥故
國滄溟遠危簷夕照低牆東有閒樹更乞夜烏啼

南園燕集雨後有作

驟落菰蒲雨遙生菡萏風
歸雲龍井黑倒照鳳山紅
簾暮舟頻引衣涼酒屢空
歌聲未可放花底有驚鴻

九日行湖上

是節最闕情隨山得散行
西風片雨過落日半湖明
野菊黃堪把官醅綠可傾
坐來無限思散入遠鴻聲

賦句曲芹塘

華陽深處有詩家小築方塘
不種花絕似青泥坊裏住

金入少微
卷一
179
一杯野飯煮春芽

桃源春晚圖為玉山題

流水空山幾度春
白雲隔斷世間塵
桃花一放漁舟入
不是秦人是晉人

清明日舟次京口即事

細雨斜風欲斷魂
客塵聊復縱芳樽
舟人也作清明節
花揀船窗柳揀門

水複岡重路欲迷
人家籬落酒帘低
江南處處春相似

躑躅紅邊蜀鳥啼

邯鄲畫軸

等是邯鄲道上人黃粱炊老百年身
從渠說破功名事猶自痴兒認作真

露坐

官街人靜鼓寥寥獨坐中庭滿扇風
墮地一絲和露濕青蟲懸在月明中

宋徽宗畫桼禽

龍沙魂斷夢華空遺墨淒涼扇面中三十六宮恩怨盡
更無花鳥訴秋風

奉和王繼學參政見寄

天上文章帝杼機商雲長繞日光飛誠知五色山龍線
不補山人薜荔衣

馬上望江南諸峯

浮雲散盡暮天空遙見江南數十峯安得夸娥兩神力
為分蒼翠過淮東

宿會食村

老翁稚子笑牽衣
盡向龍祠念佛歸
溪水不明林樹黑
繞船螢火作團飛

畫犬

恣態生寧不可羣
向人勢欲起
狺狺何因與舐丹砂鼎
飛上仙家吠白雲

孫康映雪圖

膏火蕭然四壁貧
書窓有雪夜堪親
先生清節千年上

不作梁園授簡人

文敏公畫馬

未放龍媒十二閑
塵沙吹滿汗溝間
奚官牽向天池浴
應是長楊校獵還

送陳克讌游錢塘謁陳仲舉

筆底縱橫五色文
故家才子少如君
令人怕折江橋柳
風起飛花攪白雲

許由棄瓢卷

瓠落空瓢亦解鳴先生那得耳根清縱令擲向溪流去
猶有風聲與樹聲

朱翁子負薪卷

富貴危機解殺身是非千古付樵人當時長史魂應悔
不向山中只負薪

鄰園

白白紅紅綵鳳花黃葵開滿竹籬笆莎雞柳鵲渾相託
一片秋聲響絡車

子昂蘭梅為玉山題

佩縷零落墨香存
瑤瑟空彈夜月魂
一自江南芳草歇
風流誰繼楚王孫

樂尚書廟

一坏荒土故堯城
喫酒猶傳後世名
八使清風不同列

却將方技配樊英

永和鎮故堯城縣

子昂墨竹為玉山題

竹裏疎花的
顰開凍香和雪凝
蒼苔天寒日暮無人見

只有雙蜂特地來

李息齋竹為玉山題

竹上千年恨未銷
湘臯滿路正迢迢
冷烟踈雨無窮恨
欲為騷魂賦大招

潞城

禾黍初收鳥雀肥
黃花黃葉照秋衣
潞城南上黎城道
不斷驢車打棗歸

題蘭

鷓鴣聲中花片飛
楚蘭遺思獨依依
春風先自悲芳草
惆悵王孫又不歸

題王叢隱畫山水

額黃銷盡玉嬋娟
翠袖凝愁倚暮烟
舊日漢宮三十六
更無秋露泣銅仙

白玉蟾像

崑崙夜裂老蟾生
八角嬰兒奪月精
蓬髮垢衣湖海上
無人知是葛長庚

江南賈客詞

江南賈客祈神福一旦成家起神屋要令結構城市
無取石太湖山采木傾財命役不計費複棟重疊夸
壯麗領工老與出竒巧欲以雕華迎主意可憐辛苦
屋未成主人已逝神無靈徒留突兀照人眼愁絕秋
風秋雨聲

拾麥吟

大麥黃將上場田家鏟麥村村忙丈人荷擔來何鄉兒

牽嫗衣婦挈囊汗流赤日如暴厄終朝拾穗不盈筐但
求杭粃充飢腸此身不及青樓娼風日不到惟膏粱

河之水

河之水昔楫我舟今我歸只可厲其流霜露既降曾不
容游鱣鮪在泥鰌居中洲臨軍之坊雨畢是猶迨其証
矣滔爾井疇失時弗駟俾我心憂

河之水流不已上有青楓渥其赭矣鴻飛欲下遵其渚
有田於山室於里洗尊陳酒牲厥簋康我婦子可以親

喜君獨胡為弗遑寧止矢無白壁沉此水

寒漏明次韻黃子常

寒漏明時一聽夜長不能寐月色明堦庭西風落葉爭
秋聲雞啼未啼霜滿城城中有思婦正促征衣成東家
西家砧杵急使我起坐時時驚歸心如廢弓屢折不可
繫寒漏明時一聽

錢舜舉蠟嘴卷子

秋黃葉上碧離離金井無人采摘遲却使野禽偷啄去

西風漫老鳳凰枝

題趙仲穆江浦歸帆圖

漁浦八十五里為葦蘿浦口有西施廟存

西施浦頭鴻雁聲
葦蘿山下於菟行
前村路暗愁未到
回首海天秋月生

五更睡覺有觸而作

霜露淒淒正五更
道人只叩木魚行
憐渠啖飯能多少
虛趁雞鳴過一生

臨川燈夕

高燭明妝各鬪新月來花過一羣羣
歌聲緩入東風去捲盡芙蓉一桁雲

題萱草

瑞露藹芳氣薰風吹北堂惟有憂世心對之不能忘

題玉簪

素質不受污亭亭烟露秋漢宮人不見惟憶玉搔頭

題雪竹寒雀

弱篠慘欲折一枝和雪低還憐凍殺雀難穩晚來棲

青青水中蒲

青青水中蒲，水落蒲根見。無車可裏輪，且織乘牛薦。
種蒲水中，央夜雨生秋。漲青青蒲根，萍却居蒲葉上。

秦淮水送薩天錫赴京

秦淮水入江流，我不如水遠送行舟。舟行暫艤秦淮口，
青旗招人新壓酒。主家小女能吳歌，長跪尊前為客壽。
舟遥遥上燕臺，歸何日。春風開烏衣陌上，好楊柳一枝。
還向東風來。君不見南朝瓜步後，唐采石舟師一夕此。

渡江虎踞龍蟠慘無色昔人豪華捲黃土玉樹遺音怨
亡國百年歡少哀情多潮落潮生豈終極君當為我脫
却紫綺裘我亦為君報之雙佩鉤裘以被知己鉤以寓
淹留鳥啼馬鳴日欲暮驛鼓聲起催離憂舟遥遥送君
去舟行灣掩不見人空立秦淮艤舟處

杏葉黃

杏葉黃杏葉黃蝴蝶雙飛來飛來東家牆東家女兒繡
衣裳可憐蝴蝶惜流芳妝鬢無心蘇合香起彈牀上箏

自歌杏葉黃杏葉青時君去鄉坐見黃落思斷腸安得
致之在我傍君不來天繁霜

城西路

城西路多少人從此中去昨日紅顏美少年今朝白骨
委黃泉縱令黃金比山積鬼伯不受人間錢少年何用
誇豪富來看城西送人處

今我不樂三章章五句

今我不樂思故山虎豹盤踞愁難攀豈無壯士藏田間

誰能西鄉發一矢畏途如此何由還

鷓鴣夜鳴兮天似漆烟際微茫小星出破窻無鐙望白
日東方未明起擘衣風雨何來忽蕭瑟

月白西南星宿稀巷無行人蝙蝠飛步簷蕭蕭露沾衣
日斷天涯遍芳草王孫不歸春自歸

人雁吟憫餓也二章

雁飛渡江謀稻梁江人趁熟亦渡江雁下江中啜蘋藻
人饑盡屬江中央天長水濶羅網多無衣無食可奈何

人聲未斷雁聲起棄兒呱呱道傍死不見雁來還北飛
人今去此將何之歎息人窮不如鳥何日相隨如雁歸
雁啄啄飛肅肅江邊虞人縛鰲鰲人饑處處規爾肉豈
知雁饑肉更薄城中賣雁不直錢市頭糴米斗五千妻
兒煮糜不敢飽朝朝射雁出江邊不聞關中易子食空
里無人骨生棘縣官賑濟文字來汝尚可生當自力

紫檀筆筭曲贈善吹者任子中

君不見龜茲樂工能新聲截竹揀蘆吹月明黃沙磧裏

索駝斷花門山上浮雲生夜深促節轉悲壯只愁崩倒
赤連城石崖剝裂水泉湧海鵲怒戛風力竦賈胡驚起
怨思長都護罷飲精魂動傳之中國久更新任郎妙解
尤絕倫鏤檀作管如紫玉連蟬錦囊金作束等閒未肯
出向人為我酒邊吹一曲落花撩亂游絲起流鶯無言
蛺蝶死當頭獨發調最高響來直在青雲裏頓令陽春
變秋色佶栗吳霜飛繞指教方絃索慘不驕歌舞堂中
靜如水古誰得名今莫比詎數陽陶與關李南音北譜

此正繁含嚼紛紜徒聒耳我心感慨未易降已覺滿坐
寒縱縱安得酒船百斛乘月去數聲吹黑魚龍江

題鐵色驄馬圖

神崖黑龍時出水游北何年得其子是何毛骨如積鐵
迥立長風獨竒偉霜毫白鼻散五花歛是馬中真驂駟
美髯奚官能剪拂不遣雲鬃浣泥滓少施控勒即飛騰
唾尚莫敢况鞭箠馬生豈在果一石不飽寧能見材美
朝燕晡越信汝良安得壯士同生死阿師一室巾錫外

時辰此圖臨素几三生似是支道林愛馬苦心固若此
平原豐草秋索索恍惚寒沙颯然起英雄有志在青雲
老眼因之空萬里

王士讓御史三畫

黑雲壓江江水立萬山斗暗千林濕中流迴船不可渡
力盡篙師爭浪急人家咫尺百里遙黃泥野岸雲蕭蕭
恍如寫我狼狽處風雨滿衣揚子橋

樹陰叢祠孤夜號老鴟吹火出空巢楚巫鎖門社祭散

風颺石壇幡脚高古碑有文半無首雨剥苔侵歲年久
道傍時復過人看不是姚江摸金手

扁舟載翁入畫圖空江無人釣影孤前汀後渚雪相失
雲水一片光模糊釣魚未得清興足歸路何愁徃來熟
野橋酒旆晚不收黑處炊烟是茅屋

李太白觀泉圖

玻璃杯中春酒綠醉墨淋漓牡丹曲平生合置七寶牀
白紵烏紗美如玉阿瞞荒宴百不理寧計宮花銜野鹿

何物老嫗生此兒偷向金雞帳中宿高將軍纔奴隸耳
誤使脫鞵吾所辱要留汗戰踏鯨魚鼠子何堪煩一蹴
尋常溝瀆不可濯何處容伸遭汙足翻然却下匡廬雲
五老峰前看飛瀑

文敏公畫馬回紇牽者為玉山題

君不見漢家將軍求善馬戰骨縱橫血流野歸來作歌
薦宗廟寧悲鬼哭宛城下何如聖代德所懷入獻磊落
皆龍媒右牽者誰鬣且鬣萬里知自流沙來眼光鏡照

蹄腕促老奚識性仍善牧時巡之外游幸稀飽秣原頭
春首宿吳興學士藝絕倫妙處不減曹將軍只今有馬
無此筆誰與寫之傳世人為君甘老駕駘羣

題雪溪待渡圖

晉陽山下蒲村渡斷阪連岡疊烟樹橫汾水落流更急
客子西歸迫秋暮朔風轉雨作雪飛倚蓋沙頭泥沒屨
後來者誰須我友望望津船出前淑濕雲撲地邊鴻驚
危橋挂岸征馬生樵家有逕凍葉平土牀火煖無人聲

亂峰倒倚白石爛空壑半壓冰楂橫歸來想像由眼底
詎擬褐夫能貌此溪明雪淨古色起一片荒寒在窻几
歲晚遠游吾倦矣

華岳江城秋晚圖

巉然壁立邊江城黃州鄂州勢相爭石根半挿沙水底
蒸土脾睨鐵作成江上風起波浪湧江頭日落鼓角動
吳艍蜀艍慘不發氣逼蛟鼉寒更重汊前汊後攢千桅
遠帆側歌搶岸來亂山截斷暮色緊飛鳥去盡秋聲哀

金史卷八十八
第四
州中監門老落魄今無行人門尚開隔江漁村亦斷渡
落木黑入荒烟堆上流形勝有如此今日蕭條空城壘
想當乘興盤礴時半在經營詩句裏田家始識華子崧
老我對此精靈通鄉來漂泊古城下一柁秋濤曾阻風
長孫皇后諫獵圖

黃門曉出西清仗秋色滿天鷹犬王虎落遙連渭水南
鸞旗直度河橋上日邊雲起五色文虬鬚天子真天人
羽林猛士森成列六馬不驚清路塵太平無征帝神武

豈為禽荒將按旅已知賢后佐興王不數樊姬能霸楚
從容數語即罷田六宮迎笑花如烟蹕迴那待外庭疏
聽諫由來同轉圜天寶神孫慕大業錦繡五家爭蹀躞
可憐風雪驪山宮政與真妃從射獵

題華山圖贈天台陳應榮仁本

華岳連天向西起瀕洞秦川三百里巨靈仙掌削芙蓉
影落黃河一絛水雲臺霧谷巢神仙羽衣金節時周旋
道人失脚白驪背歸來石上長鼯眠千載悠悠寄玄賞

喬孫風骨猶蕭爽遠從丹丘渡滄海追挹神蹤欲長往
何人想像圖真形疊崖陰洞高林青上摩金天之帝京
下攬玉女之明星峰耶雲耶雨莫極虎豹叫絕烟霏冥
仙家樓觀超然住遙認微茫是征路丹梯鐵鎖不可攀
直喚茅龍上天去

題玉山所藏唐人呈馬圖

天育驥子初長成廐官引轡將進呈頭如游龍兩耳聳
青絲絡腦屹不動君王一顧生光輝黃帕已蓋銀鞍歸

當時四十餘萬匹此馬權奇當第一
曹將軍畫老有神龍眠居士尤得真
兩家翰墨嗟已矣今之筆跡無乃似
黃門從令森羽儀遺事可按開元時
古來良馬多泛駕振鬣長鳴思御者
君不見材士不可羈寧肯進呈如此
馬

六月二十六日泛湖遇雨

忽雷暎暎奔雨急山靈晝藏水仙泣
蝦蟇下飲湖水立恍惚疑有蛟龍入
疾風吹裂南天青芙蓉放香薰水腥

吳歌楚舞方爛漫更盡花間雙玉瓶

舜舉二馬

喜摩怒齧馬真性角壯難馴非馬病
羈銜乍脫秋田收蹴踏八蹄駿尾映世人
但識驪與黃天機默識誰能量已從畫手失
錢選可信善相無孫陽

秋岸行旅卷

錢郎筆底秋萬斛蒼茫染出苕溪曲
苔花吹老鯉魚風石底沙草出叢綠
野橋橫岸向何處浮玉山前水如玉

宛然柳惲乘馬歸望入溪山吟不足我來江北見此畫
快意頻接雙倦目頓令幽思滿吳中舒卷烟雲慰羈束
自然新句贈霜葉幾度詩成鞭影矗相期歸去白蘋洲
手採秋葦葺為屋

高彥敬山水

房山得法黃華山筆力斷取青孱顏居然真境開九瑣
中有美人茅屋間羽人訪道不辭遠一劍江湖游未返
時從畫裏到家林老木清溪照層巘我思鄧葉兩隱君

天壇石室多白雲紛紛相尋採芝去寄聲黃鵠君應聞

三友圖

青松礫砢蒼筠扶南枝玉立春風腴氣陵歲寒林壑重
影落太空霜月孤三生石上同友于蒼顏翠袖相紛敷
似君兄弟長相合更勝韋家蛺蝶圖

蟠松引

何年風雨拔老湫乾卧千歲長黃虬垂胡礫砢髯怒磔
雷火不敢燒其瘤卒然一見勢欲攫况可手捫雙角觚

縣知根受元氣大跏趺力爭崖石礙樛枝互錯橫鐵鉗
弓紐弛張歆羽蓋低無玄鶴寄巢居幽有蒼變出光怪
故人語似靈岩山卧雲之樹同屈蟠身橫百圍容容踞
聲入半空生晝寒畢宏京偃世無有畫史掉首應嗟難
彼當為甲此為乙造化偏鍾兩奇崛愛之我欲重摩挲
圖讚還須怪魁筆君不見龍門寺千丈齊聳龍嵒蔭白
日

題高侍郎竹石

高侯畫石聊信筆更著數竹穿雲根豈如玉宰湏五日
率爾意到精靈奔東齊野人開一樽想見盤礴須眉掀
破泓禿穎發光采渭川太華相雄吞竹如劍拔石虎蹲
濃雨晝點蒼烟渾淋漓滿紙元氣濕尚帶當時紅酒痕
只今作者漫紛紛前輩風流無復存君不見寂寞雲山
烟霧裏古苔空卧老龍孫

題玉山所藏魏國夫人趙管墨竹

夫人手寫坡詩
竹後自京師寄

子仲
光

龍香煖脫青螺靨麝劑光凝生漆點玉臺迎曉畫眉殘
紫硯新磨玄兔染一枝戲寫碧嬋娟冷雨欲飛粘濕烟
雲窻霧閣春窈窕恍如移置茗溪邊茗溪綿綿秋水隔
湍眼京塵渺相憶微綃一點冰雪生弱蕙幽蘭少顏色
書中曾有衛夫人畫裏何如崇德君林下風神元散朗
尚從墨妙見天真

陳所翁畫九龍戲珠圖

雨龍頤頤出重淵白日移海空中縣一龍迴矯一倒起

側磔胡髯怒飲水大珠炎炎如彈丸爪底雲頭爭控搏
一龍仰首逆鱗露雨龍旁睨蒼崖蟠怪風狂電浩呼洶
天吳猝立八山動一龍後出尤崛竒半尾戲繞蜿蜒兒
兒生未角已神猛一顧却走千蛟螭陳翁硯池藏霹靂
往往醉時翻水滴便覺天瓢入手來雨氣模糊渾似墨
我常見畫多巨幅簸蕩驚濤駭人目何如此筆窮變化
三尺微綃形勢足是翁前身定龍精故能吸歛奔精靈
卷圖還君慎封鏤但恐破壁飛空冥

題李早畫女真三馬圖

金源六葉全盛年明昌正似宣和前
瑤書玉軸充內府時以李早方龍眠
想當畫院供奉日飽閱天閑萬奇骨
等閒游墨落宮扇逸氣凌空欲超忽
露鬣風髯剪剔新郎君馬上玉為人
四帶紗巾綉衣領醉鞭踏盡燕臺春
一聲白雁黃河暮豈料征蹄競南渡
回首西風障戰塵女仙空抱琵琶去

題林若拙畫孤山圖

孤山處士孤吟處水影月香餘妙句鶴聲叫絕陵谷秋
修竹祠空幾愁暮白雲生根著湖水力盡西風飛不去
何人鞭石下崔嵬中流截斷魚龍路丹青樓觀花如霧
葵麥無情憶前度何似槎牙半死枝百年猶是咸平樹
荒烟壞柳斷橋冰宿葑田深散鷗鷺畫船歌舞不須更
落落詩名自如故野人亦有滄洲趣安得數椽相近住
長待天寒欲雪時杖藜來訪梅邊墓

題趙仲穆怪石奇木

君不見岳陽城老樹能化人又不見北平路草中鍊石
如卧虎樹逢岩客授還丹石誤將軍飲飛羽海寧太守
提健筆與丹通靈箭角力山精木魅寒暎賜千年醜怪
匿不得銜瘤半裂雷火出隱入雲綃露奇磧天機所到
無徑畦氣盡畫工俱辟易掛之高堂風動搖古色一片
秋蕭蕭待侯硯池捲東海歸掃樽桑與沃焦

留題蒲禧湄洲島天妃廟

飛舸鯨濤度杳冥祠光壇上夜明星蛟龍筍處縣金石

雲霧衣冠集殿庭，
萬里使輶絕游觀。
千秋海甸仰英靈，
臨流欲借天風便。
髣髴神山一髮青。

題吳性存所藏趙仲穆竹枝雙蝶圖與玉山同賦
滿叢鮮碧露團香，
院落春紅過野芳。
蛺蝶一生花裏活，
飛來還戀竹風涼。

顧瑛詩曰：閣道春風度，
湘簾晝景斜。
初晴雙蛺蝶，
也解逐羊車。

題看雲圖

步入溪南水盡頭青松白石淡於秋片雲似解幽人意
自在山椒去復留

題竹枝便面

白團橫出碧參差恰似天壇石上時月色夜凝風不動
一枝倒影入圜池

草堂雅集卷四